

Ad Quodlibetariam  
Quaestio Medica, matutinis agitanda Disputatōibus  
In Scholā medicorum die Iouis xxxi Januarij  
magistro Ioanne Riolano Doctore Medico, et Professore  
regio, Præside sapientissimo.

457

*An tot spiritus quot facultates.*

**A**NIMA rationis particeps, formarum omnium praeclarissima, <sup>et alia</sup> corporis organici potentia viuentis, vniuersam corporis humani facultatibus suis ab ipsa promanantibus economiam regit ac moderatur. Quarum principium est proximum, vt facultates functionum: Sunt autem facultates, vires illae seu potestates quas anima tanquam de sinu suo promittit ad obeundas functiones. Quae licet innumerae, ad tres tamen generales ordines naturalium, vitalium, & animalium commodè reuocari possunt, quem numerum pro triplici subiecto, in quo tanquam in proprio domicilio nobilissimè resident, colligimus: quodque totidem actiones à triplici organo proficiuntur.

**N**ATURALIS facultas ab officio communi <sup>triplici</sup> dicta, ceterarum facultatum basis & fundamentum, dignitate ceteris inferior, necessitate superior, omnium ortu, & origine prior, tam in foetu quam in adultis, in hepate sita est, omnium actionum naturalium fonte, nutritionis, auctoris, & procreationis, quae à totidem facultatibus nutrice, auetrice, & procreatrice deriuantur. Actiones vt objectis distinguuntur, ita & facultates instrumentis: Venae Nutricis facultatis organa à iecore producuntur, vt Arteriae Vitalis, à corde calidissimo, Nervi Animalis, à cerebro frigido propagantur.

**V**ITALIS facultas singularum partium fugacem vitalitatem refarcit ac conseruat, quam foetus habet à matre, quia cor immobile, propter anastomoses ad nutritionem pulmonum comparatas: vbi lucis vltra fruitur, semper à corde in omnes partes dispergitur, in quo suam sibi sedem vindicat, quod per diafoles & sistoles naturali & irrequieto motu, à cerebro nullatenus dependente, cietur, pectus & diaphragma in homine solo percussit. Tercio & vltimo sequitur ordine Animalis facultas, quae vt omnium est nobilissima, sic in editissimo, eminentissimoque loco capite scilicet, varijs figuris, sicutisque differentibus efformato, collocata fuit: vt anima tanquam Rex in arce sua municipibus suis, partibusque subiectis omnibus imperaret. Ea facultas diuiditur in <sup>inquinat</sup> & <sup>inquinat</sup> sunt im-  
ginatrix, ratiocinatrix, & memoratrix, non locis quidem discussa, sed per totam cerebri substantiam diffusa, vt sensitiuae & motiuae in cerebro mobili & sentiente, atque in nervis sensitiuis & motiuis consistunt.

**V**M facultates sint quid incorporeum & accidentale, momento corpus nostrum abique duce & impulsoe radiorum instar illustrare nequeunt, sed vectore spiritu idoneo earum subiecto egent. Propterea rectè definitur corpus aethereum, tenuissimum, facultatum sedes & vehiculum, primumque in obeundis actionibus instrumentum. Hic quamuis sit vnus generis, ternario tamen numero vt facultas comprehendi potest, à tribus principibus partibus cum iisdem exortus. Sed cum assiduo fluxu pereat & exhauriatur, spiritus influentis successione reparari debuit, qui pari numero constituitur cum infuso.

**R**ES igitur spiritus specie inter se distincti. Naturalis qui sit in hepate ex tenui & halituosa alimenti portione, nec non ex aere inspirato. Vitalis in corde ex naturali spiritu à dextro cordis sinu septum transuersum permeante, vt in sinistro ventriculo adueniente aere in pulmonibus per se mobilibus preparato, perficiatur. Animalis demum ex aere attracto, atque ex vitali ad cerebri basim per ceruicales & carotidas arterias sublato, constat: qui postquam in plexu retiformi & choroide preparatus fuerit, & in senis cerebri ventriculis elaboratus & absolutus, in omnes nervos à spinali medulla prognatos diffunditur, qui sensum & motum singulis partibus impertiunt, influente potius spiritu, quam substantia nervi disseminata.

*Ergo tot spiritus quot facultates.*

Propugnabat Lutetia Guillelmus de Vailly parisinus, anno Dñi 1613.

Domini Doctores Disputaturi

M. nicolaus hamault

M. Philbertus Guibert

M. Ioannes Pietro

M. Ioannes Cerefin

M. hieronimus Coulu Prof. Reg.

M. symphorianus haultin



M. philipp. gardun' de S<sup>r</sup> Jacques

M. nicolaus marchant

M. franciscus buy Port.